

ՀԱՅՏԱՐԱՐՈՒԹՅՈՒՆ  
ԲԱՅ ԸՆԹԱՅԱԿԱՐԳԻ ՄԱՍԻՆ

Հայտարարության սույն տեքստը հաստատված է բաց ընթացակարգի հանձնաժողովի  
2013 թվականի փետրվարի 21-ի թիվ 3 որոշմամբ և հրապարակվում է  
<<Գնումների մասին>> ՀՀ օրենքի 24-րդ հոդվածի համաձայն

*Բաց ընթացակարգի ծածկագիրը՝ ՀՀ ԱՄ-ԲԸԱՇՁԲ-13/1*

Պատվիրատուն՝ <<<< Արմավիրի մարզպետարանի աշխատակազմ>> ՊԿՀ, որը գտնվում  
է ք. Արմավիր Արույան 71 հասցեում, հայտարարում է բաց ընթացակարգ:

Բաց ընթացակարգում հաղթող ճանաչված մասնակցին սահմանված կարգով կառաջարկվի  
կնքել ՀՀ Արմավիրի մարզի ք. Վաղարշապատի թիվ 7 հիմնական դպրոցի հիմնանորոգման  
աշխատանքների կատարման պայմանագիր (այսուհետև՝ պայմանագիր):

<<Գնումների մասին>> ՀՀ օրենքի 6-րդ հոդվածի համաձայն՝ բաց ընթացակարգի հայտեր  
կարող են ներկայացնել բոլորը, անկախ նրանց՝ օտարերկրյա ֆիզիկական անձ, կազմակերպություն  
կամ քաղաքացիություն չունեցող անձ լինելու հանգամանքից:

Բաց ընթացակարգին մասնակցելու իրավունք չունեն անձինք, որոնք դատական կարգով  
ճանաչվել են սնանկ, ունեն ժամկետանց պարտքեր Հայաստանի Հանրապետության հարկային և  
պարտադիր սոցիալական ապահովության վճարների գծով, որոնց գործադիր մարմնի  
ներկայացուցիչը հայտը ներկայացնելու պահին նախորդող երեք տարիների ընթացքում  
դատապարտված է եղել տնտեսական գործունեության կամ պետական ծառայության դեմ ուղղված  
հանցագործության համար, բացառությամբ այն դեպքերի, երբ դատվածությունը օրենքով  
սահմանված կարգով հանված կամ մարված է, որոնք ներառված են գնումների գործընթացին  
մասնակցելու իրավունք չունեցող մասնակիցների ցուցակում:

Մասնակիցը պետք է ունենա պայմանագրով նախատեսված պարտավորությունների  
կատարման համար հրավերով պահանջվող՝ մասնագիտական գործունեության  
համապատասխանություն՝ պայմանագրով նախատեսված գործունեությանը, մասնագիտական  
փորձառություն, տեխնիկական միջոցներ, ֆինանսական միջոցներ, աշխատանքային ռեսուրսներ:

Հաղթող մասնակիցը որոշվում է բավարար գնահատված հայտեր ներկայացրած  
մասնակիցների թվից՝ նվազագույն գնային առաջարկ ներկայացրած մասնակցին  
նախապատվություն տալու սկզբունքով, որի հետ կնքվում է պայմանագիր:

Սույն ընթացակարգի հրավերը ստանալու համար անհրաժեշտ է դիմել պատվիրատուին,  
մինչև հայտերի ներկայացման վերջնաժամկետը, որը սահմանված է [www.armeps.am](http://www.armeps.am) կայքում: Ընդ  
որում, փաստաթղթային ձևով հրավեր ստանալու համար պատվիրատուին պետք է ներկայացնել  
գրավոր դիմում: Գնումների բազային միավորի հիսնապատիկը գերազանցող գնումների դեպքում,  
մասնակիցը հրավերը հայերենից բացի կարող է պահանջվել նաև ռուսերենով և /կամ/ անգլերենով:

Պատվիրատուն ապահովում է ռուսերենով կամ անգլերենով հրավերի տրամադրումն  
համաձայն ՀՀ կառավարության 2011 թ. փետրվարի 10-ի N 168-Ն որոշումով հաստատված  
<<Գնումների գործընթացի կազմակերպման>> կարգի 45-րդ կետով սահմանված պայմանների  
բավարարման դեպքում:

Էլեկտրոնային ձևով հրավեր տրամադրելու պահանջի դեպքում պատվիրատուն ապահովում է  
հրավերի՝ էլեկտրոնային ձևով տրամադրումը դիմումն ստանալու օրվան հաջորդող աշխատանքային  
օրվա ընթացքում:

Սույն հրավերով նախատեսված կարգով հրավեր չստանալը չի սահմանափակում մասնակցի՝  
սույն ընթացակարգին մասնակցելու իրավունքը:

Բաց ընթացակարգի հայտերն անհրաժեշտ է ներկայացնել էլեկտրոնային ձևով  
[www.armeps.am](http://www.armeps.am) կայքում՝ և դրանք պետք է կազմված լինեն հայերեն (**հայտերի ներկայացման  
վերջնաժամկետը տես [www.armeps.am](http://www.armeps.am) կայքում**):

Սույն գնման գործընթացը իրականացվելու է էլեկտրոնային ձևով՝ [www.armeps.am](http://www.armeps.am) էլեկտրոնային կայքի(այսուհետև՝ Կայք) միջոցով: Հայտերի բացումը տեղի կունենա «Գնումների մասին» ՀՀ օրենքով սահմանված կարգով՝ [www.armeps.am](http://www.armeps.am) կայքի միջոցով:

Սույն ընթացակարգի վերաբերյալ բողոքները պետք է ներկայացնել Գնումների աջակցման կենտրոն՝ ք. Երևան, Կոմիտասի 54/բ հասցեով: Բողոքարկումն իրականացվում է սույն հրավերի 1-ին մասի 12-րդ բաժնով սահմանված կարգով:

Մասնակիցների որակավորման տվյալների՝ սույն ընթացակարգի հրավերով սահմանված պայմաններին համապատասխանությունը գնահատելու համար, մասնակիցները պետք է պատվիրատուին ներկայացնեն սույն ընթացակարգի հրավերով նախատեսված փաստաթղթեր՝ հրավերով սահմանված կարգով:

Սույն հայտարարության հետ կապված լրացուցիչ տեղեկություններ ստանալու համար կարող եք դիմել գնումների համակարգող՝ ՀՀ քաղաքաշինության նախարարության <Քաղաքաշինական ծրագրերի իրականացման գրասենյակ> պետական հիմնարկի իրավաբանական և գնումների կազմակերպման բաժնի գլխավոր մասնագետ Հ. Ավետիսյանին:

Հեռ. 0237 2-13-77

Էլ.փոստ՝ [arxivkarine@mail.ru](mailto:arxivkarine@mail.ru)

Պատվիրատու՝ <<<< Արմավիրի մարզպետարանի աշխատակազմ>> ՊԿՀ,